

# **Bijjemes bielic – aarvoeh jiih prinsihph maadhööhpehtimmesne**

# Sisvege

Bijjemes bielien bijre .....	2
Ööhpehtimmien ässjele .....	4
1. Lierehtimmien aarvoevåarome .....	5
1.1 Almetjeaarvoe .....	5
1.2 Identiteete jñh kulturellen gellievoete .....	6
1.3 Laejhtehks ussjedimmie jñh etihkeles vuajnoe .....	7
1.4 Skaepiedimmievoeteaarvoe, eadtjohkevoete jñh goerehtimmievæljoe .....	7
1.5 Eatnemem krööhkestidh jñh byjresegoerkesevoete .....	8
1.6 Demokratije jñh meatanårrome .....	8
2. Lierehen, evtiedimmien jñh skearkagimmien prinsihph .....	10
2.1 Sosijaale lierehen jñh evtiedimmie .....	10
2.2 Maahtoe faagine .....	11
2.3 Vihkeles tjiehpiesvoeth .....	11
2.4 Lierehdh lierehdh .....	12
2.5 Dåaresthfaageles teemah .....	12
2.5.1 Almetjehealsoe jñh jieledemaalveme .....	13
2.5.2 Demokratije jñh meatanårrojevoete .....	13
2.5.3 Monnehke evtiedimmie .....	14
3. Prinsihph skuvlen riektesisnie .....	15
3.1 Feerhmeles lierehenbyjrese .....	15
3.2 Ööhpehtimmie jñh sjiehtedamme lierehtimmie .....	16
3.3 Gåetie jñh skuvle laavenjostoe .....	17
3.4 Lierehtimmie learoesieltse jñh barkoejieleemisnie .....	17
3.5 Profesjoneektievoete jñh skuvleevtiedimmie .....	18

## **Bijjemes bielen bijre**

*Bijjemes bielic – aarvoeh jih prinsihph maadthööhpehtimmesne lea bielic learoesoekesjevierhkeste, jih lea gånkan resolušjovnine vihtiestamme skiereden 1.b. 2017 riekteles vääroeminie ööhpehtimmielaakesne § 1-5.*

Bijjemes bielic lea faamosne maadthlierehtimmesne Nöörjesne. Maadthlierehtimmie lea maadthskuvlen jih jaarhkeskuvlen lierehtimmie. Diihte faerhmeste dan gaavhtan lierehtimmiem maanah jih noerh åadtjoeh voestes klaassen raejeste maanadaltesisnie jih studijeryöjreden jih barkoeafaageles lierehtimmioprogrammi raajan jaarhkeskuvlesne, gusnie bielic lierehtimmeste sieltine jih barkoejieledinie.

Bijjemes bielic learoesoekesjevierhkeste tjielkeste aarvoevåaromem ööhpehtimmielaaken åssjeleparagraafesne jih daejtie bijjemes prinsihpide maadthlierehtimmesne. Diihte daate aalkoe, åssjeleparagraafem mubpesth jeakta jih golme kapihtelh: 1. Lierehtimmien aarvoevåarome, 2. Lierehtimmiem, evtiedimmien jih skearkagimmien prinsihph jih 3. Skuvlen barkoen prinsihph. Faagi learoesoekesjh buerkiestieh faagi sisvegh jih ulmieh. Bijjemes bielic vuesehte gåabpelen faagi lierehtimmieh juhtieh, jih gaajhkh faagh leah meatan lierehtimmien gamte ulmiem realiseradidh. Abpe learoesoekesjevierhkie lea lierehtimmien våarome, jih dah ovmessie biehkieh aktanieh jih daejtie tjuara ektesne utnedh.

Diihte bijjemes bielic maadthvuajnoem buerkeste mij edtja pedagogeles barkoem abpe maadthööhpehtimmesne tsevtsehdh. Diihte aaj laavenjostoen våarome hieymen jih skuvlen gaskem. Bijjemes bielic tjielkeste skuvlen jih learoesieltien diidtem gaajhkide maahtoem skearkagidh jih evtiedidh maadthlierehtimmesne. Gaajhkh gieh maadthlierehtimmesne berkieh, tjuerieh daam maadthvuajnoem baajedh stuvredh gosse lierehtimmiem soekesjeh, tjirrehtieh jih evtiedieh.

Bijjemes bielen åejvieuilmiedåehkie lea gaajhkh gieh diidtem ööhpehtimmesne utnieh: lohkehtæjjah, bihkedæjjah, viehkiehtæjjah, skuvleåvtehkh, skuvleaaajhterh, jeatjah barkoedåehkieh skuvlesne jih learoesieltine. Bijjemes bielic faamosne lierehtimmesne learoehkidie, lierehtæjjide, learoekandidaatide, praksisprieviekandidaatide jih gierve almetjidie maadthskuvlesne, jaarhkeskuvlesne jih geerveööhpehtimmesne. Bijjemes bielesne nuhtjie baakojde «learohke», «lohkehtæjja» jih «skuvle» gaajhki bijre gieh ööhpehtimmesne, gaajhkh barkijh, gaajhkh skuvlh jih gaajhkh learoesielt. Lohkehtæjjaööhpehtimmieh edtjeh ööhpehtimmielaakine jih learoesoekesjevierhkien faamosne maadthööhpehtimmesne, dan nuelesne bijjemes bielic.

Diihte bijjemes bielic staturesn åtna njoelkedassine learoesoekesjevierhkien ektesne, jih tjuara tjoevkesisnie lohkedh ööhpehtimmielaakine jih jeatjah relevaante njoelkedassevierhkine mij faamosne lierehtimmide skuvlesne jih learoesieltiesne. Vuesiehtimmien gaavhtan tjuara jiehtege sjiehtedamme lierehtimmien bijre kapihtelisnie 3 aktene njoelkedassevierhkine sjiehtedamme lierehtimmie jih sjiereööhpehtimmie, learohkevuvarjasjimmie, öörnege ööhpehtimmeste jih eejhtegelaavenjostoste.

Skuvle jih learoesielte seammavyörtogs lieremesijjeh. Lierehtimmie daej sijjine seamma vierhtievåaromem åtna jih seamma prinsihpigujmie, men tjuara krööhkestidh lierehtimmie barkoejieledisnie naan krievemh jih mierieh åtna mah joekehts lierehtimmeste skuvlesne. Learoesieltie diidtem utnieh, seamma goh skuvle, lierehtimmie mij vadtasåvva lea ööhpehtimmielaaken jih learoesoekesjevierhkien mietie. Golmebielielaavenjostoe guhkiem faage- jih barkoeööhpehtimmiem ektesne evtiedieh.

Saemih Nöörjesne statusem utnieh aalkoealmetjinie ILO-konvensjovnen mietie. Maadthlaake vihteste staate edtja tsiehkies sjiehteladtedh ihke saemih maehtieh saemien gïelem, kultuvrem jih siebriedahkejielemem gorredidh jih evtiedidh, mij aaj ööhpehtimmielaaken mietie. Bijjemes bielic aaj faamosne saemien skuvlesne. Diejvese “dïhte saemien skuvle” nuhtjie lierehtimmien bijre mij saemien parallele seammavyörtegs learoesejkesjevierhkien mietie barka. Saemien learoesejkesjevierhkie faamosne tjïeltine mah reeremedajvine saemien gïelide. Seamma learoesejkesjevierhkie faamosne learoehkidie mah reaktam utnieh lierehtimmiem saemiengïelesne abpe laantesne. Learohkh jeatjah dajvine laantesne gïeh reaktam utnieh saemiengïelem lierehtidh, edtjeh saemien learoesejkesjevierhkien mietie barkedh faagesne saemien. Skuvle dïedtem ätna dejtie njoelkedasside illedh.

## Ööhpehtimmien ässjele

Ööhpehtimmielaaken ässjeleparagraafe lea naemhtie:

*Lierehtimmie skuvlesne jïh learoesiëltesne edtja, laavenjostosne jïh goerkesisnie hïejmine, oksh rihpeste veartanasse jïh bätije biejjide jïh learoehkidie jïh lierehtæjjide histovreles jïh kultuvreles daajroem jïh viëdteldimmiem vadta.*

*Lierehtimmiem edtja vihkeles aarvojde tseegkedh kristeles jïh humanistihken aerpesne jïh aerpievukesne, galka almetjeaarvoem jïh eatnemem ååktedh, åssjelmefriijjevoetesne, nubpiegieriesvoetesne, soelkedimmesne, seammavyörtegsvoetesne jïh solidariteetesne, aarvoeh mah vuesiehtieh ovmessie religijovnine jïh jielemevuajnojne jïh almetjereaktide gaaredieh.*

*Lierehtimmie edtja viehkiehtidh nasjonaale kultuvreaerpien daajroem guarkedh jïh vijriedidh jïh aaj daajroem mijjen ektie internasjonale kultuvreaerpieviekien bijre.*

*Lierehtimmie edtja daajroem vedtedh kulturellen gellievoetese jïh respektem vuesiehtidh fiere guhten mielese. Dihte edtja demokratijem, mïrrestallemem jïh daajroen ussjedimmievuekiem skreejredh.*

*Learohkh jïh lierehtæjjah edtjïeh maahtoem, daajroem jïh mïelh evtiedidh guktie maehtieh dej jïeledh haalvedh jïh maehtedh barkedh jïh ektievoeten siebriedahkesne meatan årrodh. Dah edtjïeh skaepiedimmieaavoem, eadtjohkevoetem jïh goerehtallemevæljoem evtiedidh.*

*Learohkh jïh lierehtæjjah edtjïeh lieredh laejhtehts ussjedidh jïh etihken jïh byjreseguarkoen mietie barkedh. Dah edtjïeh meatandïedtem utnedh jïh reaktam laavenjostose.*

*Skuvle jïh learoesiëlte edtjïeh learoehkidie jïh lierehtæjjide dâastoehdidh jearsoesvoetine, respektine jïh kriëveminie jïh dejtïe haestemh vedtieh mah skearkagimmiem jïh learoevæljoem skreejredh. Edtjïeh sierredimmien vööste barkedh.*

(Ööhpehtimmielaake § 1-1)

# 1. Lierehtimmien aarvoeväärume

*Skuvle edtja sov praksisem tseegkedh aarvoej nille mah ööhpehtimmielaaken ässjeleparagraafesne.*

Ässjeleparagraafen aarvoeh soptsestieh mah Nöörjem tjöönghkieh siebriedahkine. Mijjen demokratijen aarvoeh betnesne mah edtjeh mijjiem viehkiehtidh jieleddh, lieredh jih laavenjostedh komplekse ektietijjesne jih ovnohkens bäetije biejjieh gaavnesjidh. Dah ektieaarvoeh leah kristegassjh jih humanistihken aarvoen jih aerpievuekien nille tseegkeme. Dah aaj vääjnesasse bäetieh ovmesse religijovnine jih jieledevuajnojne, dah leah aaj almetjereaktide tjatneme.

Daah aarvoeh leah skuvlen dorjesen väärume. Daejtie tjuara jielije dorjesovvedh jih fiere guhte learohke tjuara dejtie guarkedh skuvleektievoetesne daajroebeagkoehimmien tjürrh jih vuajnoeh jih daajroem evtiedidh. Skuvle jih lohkehtæjjah tjuerieh aarvojde betnesne utnedh gosse learohkiedie jih hiejmeme gaavnesjidh. Learohken bööremes edtja iktesth krööhkestamme sjidtedh. Dähte iktesth sæjhta gellielaaketje ärrodh ovmesse iedti jih vuajnoej gaskem. Lohkehtæjjah tjuerieh dan gaavhtan dej profesjonelle goerkesem nuhtjedh guktie fiere guhtem bööremes vuekine vaarjelidh gæssie dähte ektievoetem gaavnesje.

Dähte saemien skuvle edtja sjiehteladtedh guktie learohkh lierehtimmien äadtjoeh mij väärume ätna saemien aarvojne jih saemien gieline, kultuvrine jih siebriedahkejielemisnie. Ässjeleparagraafen aarvoeh leah aaj saemien aarvoeh jih faamosne saemien skuvlesne. Saemien skuvlesne vihkeles abpesaemien perspektijvem utnedh, jih leavloem biejedh materijelle jih immaterijelle kultuvreaerpie goh aerpievuekien maahtoe, duedtie jih maadtoe-jih fuelhkierelasjovnh.

## 1.1 Almetjeaarvoe

*Skuvle edtja hoksedh almetjeaarvoem jih dah aarvoeh mah daam däärjoehtidh, vääromem ätna ööhpehtimmesne jih abpe dorjesisnie.*

Ässjeleparagraafe almetjeaarvoen ov-miedtelimmien nille tseegkeme jih gaajhkh almetjh seamma aarvoem utnieh, seamma maam mijjiem joekedehtedh. Gosse lohkehtæjjah hoksem utnieh jih daam learohkiedie vuesiehtieh jih fiere guhtem vuejnieh, almetjeaarvoem jäähkesje goh vääromen aarvoe skuvlesne jih siebriedahkesne.

Almetjereaktaj väärume almetjeaarvosne jih dähte vihkeles bielie reaktastaaten betneste. Dah universelle aarvojne tseegkeme mah gaajhkesidie faamosne seamma saah gieh dah leah, gubpede bäetieh, jih gusnie ärroeh. Maanakonvensjovne bielie almetjereaktajste jih maanide jih noeride sjiere vaarjelimmien vadta. Lierehtimmie tjuara aktine almetjereaktajne ärrodh, seamma aejkien goh learohkh edtjeh maahtoem almetjereaktaj bijre lieredh.

Seammavyörtegs jih mürrestalleme leah aarvoeh mej ävteste histovrijen tjürrh leah gæmhpe, jih mah annje tjuerieh gorredidh jih nænnoestehtedh. Skuvle edtja maahtoem jih vuajnoeh buektedh mah daejtie aarvojde gorredidh. Gaajhkh learohkh edtja seammavyörtegs gïetedidh, jih ij naan learohke edtjh sierredimmien domtedh. Learohkiedie edtjeh seammavyörtegs nuepieh vadta guktie dah maehtieh jïjtjeraarehke veeljedh. Skuvle edtja learohki gellievoetem krööhkestidh jih sjiehteladtedh guktie gaajhkh äadtjoeh dääjrehtidh

ektievoetem skuvlesne jñh siebriedahkesne. Mijjeh gaajhkh maethebe dääjrehtidh mijjeh sjjirelaakan domtedh. Dan gaavhtan daarpesjibie joekehtsidie jååhkesjidh jñh viertiestidh.

Almetjh leah præåsehke jñh baahtode darjoeh. Soelkedidh, nubpiegieriesvoete jñh solidariteete daarpesjeh jis almetjh edtjeh byjjenidh jñh evtiedidh. Fiere guhten persovneles jaahkoe jñh saetniesvoete edtja jååhkesjidh guktie gaajhkh maehtieh ussjedidh, jaehkedh jñh frijje håalodh. Learohkh edtjeh jñjtje meatan årrodh almetjaarvoem gorredidh jñh ussjedidh guktie dah maehtieh heerredh daam ij miedtelh.

## 1.2 Identiteete jñh kulturellen gellievoete

*Skuvle edtja learohkidie histovrijen jñh kulturellen daajroem jñh viedteldimmiem vedtedh jñh viehkehte fiere guhte learohke maahta sov identiteetem gorredidh jñh evtiedidh feerhmeles jñh gellievoeten ektievoetesne.*

Daajroe mijjen histovrijen jñh kultuvren bijre lea vihkeles gosse learohkh dej identiteetem evtiedieh jñh ektievoetem siebriedahkesne skaepede. Learohkh edtjeh lieredh dah aarvoeh jñh aerpievuekieh damtedh mah viehkiehtieh almetjh laantesne tjåanghkenieh. Kristeles jñh humanistihken aarvoe jñh aerpievuekie vihkeles bielie laanten tjåenghkie kultuvreaerpeste jñh vihkeles gosse mijjen demokratijem evtiedamme. Saemien kultuvreaerpie lea bielie kultuvreaerpeste Nöörjesne. Mijjen ektie kultuvreaerpie lea histovrijen tjirrh evtiedamme jñh daaletjen jñh båtije boelvh edtjeh daam gorredidh.

Ektie referaansemierieh vihkeles fiere guhten ektievoetese siebriedahkesne. Daate ektievoetem skaepede jñh fiere guhten identiteete stuerebe ektievoetese jñh histovrijen ektiedæmman tjatnoe. Ektie mierie vadta jñh edtja sijjiem gellievoetese vedtedh, jñh learohkh edtjeh daejredh guktie mijjeh ektesne jielege ovmessie perspektijvigujmie, vuajnoejgujmie jñh jieledvuajnoejgujmie. Mah dah dääjrehtieh gosse ovmessie kultuvrevuasahtallemh jñh aerpievuekieh gaavnesjeh, viehkiehtieh dej identiteetem hammoedidh. Hijven siebriedahken betnie lea feerhmeles jñh gellievoeten ektievoete.

Lierehtimmie edtja vihtiestidh learohkh jearsoes gieletnijn sjidtieh, dah dej gieledh identiteetem evtiedieh, jñh dah maehtieh gielem nuhtjedh gosse ussjedieh, digkiedieh, govlesedtieh jñh mubpide baanth tjatnoeh. Giele mijjese ektievoetem jñh kulturelle goerkesem vadta. Nöörjesne daaroen jñh dah saemien gielh åarjel-, julev- jñh noerhtesaemien seammavyörtegs. Daaroengiele seammavyörtegs tjalemegielh gærjagiele jñh orredaaroen. Daaroen væhtagiele lea jååhkesjamme goh elliesvyörtegs giele Nöörjesne. Maahtoe siebriedahken gieledh gellievoete gaajhkh learohkidie vadta vyörtegs maahtoe ovmessie vääjnoehammojne, åssjelinie jñh aerpievuekine. Gaajhkh learohkh edtjeh dääjrehtidh gellie gielh maetedh lea vierhtie skuvlesne jñh siebriedahkesne.

Lierehtimmien tjirrh learohkh edtjeh daajroem åadtjodh saemien aalkoealmetjen histovrijen, kultuvren, siebriedahkejielemen jñh reaktaj bijre. Learohkh edtjeh lieredh gellievoeten bijre jñh dah joekehtsi bijre saemien kultuvresne jñh siebriedahkejeliedisnie.

Vijhte almetjedåehkieh gellietjuetie jaepien govlesovveme Nöörjese staatusen utnieh goh nasjonaale unnebelåhkoeh mijjen internasjonale diædti mietie: judarh, kvenerh/daaroensåevmieladtjh, skåajjesåevmieladtjh, romerh jñh romanialmetjh/taaterh. Dah almetjidåehkieh leah viehkiehtamme daaroen kultuvreaerpiem hammoedamme jñh lierehtimmie edtja dej almetjidåehkieh bijre maahtoe vedtedh.

Aejkien tjirrh daaroen siebriedahkem tsevtseme ovmesseie straejmijste jih kultuvreaerpievuekijste. Tjijesne gusnie aalmege lea jienebh ektiedamme enn naan tjije daan avteli, jih gusnie veartene lihkebe tjatnasavva, gielemaahtoeh jih kultuvregoerkesh enn vihkielabpoe sjidtieh. Skuvle edtja daarjoehdih fiere guhten identiteeteevtiedimmiem, learohkh jearsoes darjodh gusnie dah leah jih seamma aejkien dihte edtja ektie aarvoeh buektedh mah daarpesjeh gosse ektievoetem gaavnesjeh jih aktanieh, jih oksh rihpestieh veartanasse jih baetije biejjide.

### **1.3 Laejhtehks ussjedimmie jih etihkeles vuajnoe**

*Skuvle edtja viehkiehtidh learohkh tjetskehke sjidtieh jih gyhtjelassh gihtjeh, daajroen jih laejhtehks ussjedimmiem evtiedieh jih etihkeles vuajnojne daemiedieh.*

Lierehtimmie edtja learoehkidie goerkesem vedtedh laejhtehks jih daajroen ussjedimmiem guarkoeh. Laejhtehks jih daajroen ussjedimmie lea jiermijes vuekine ussjedidh goerehtallemen jih oornedihks vuekine gosse konkreete barkoes haestemh, fenomeenh, jiehtegh jih maahtoehammoeh daastoehdih. Lierehtimmie edtja goerkesem skaepiedidh dah vuekieh mejgumie saetniesvoetem goerehtidh tjuerieh sjiehtesjidh disse maam sijhtebe goerehtidh, jih vuekie maam veeljebe tsavtsa maam mijjeh vuejnebe.

Jis orre daajroe edtja sjidtedidh, tjuaara etableereme assjelidie giehtjedidh jih laejhtedh teorijigujmie, vuekiejgumie, argumeentigujmie, daajrehtimmigujmie jih vihtiestimmiejgumie. Learohkh edtjeh maehdedh ovmesseie maahtoen gaaltijh varjasjidh jih laejhtehks ussjedidh guktie maahtoe eevtjesavva. Dah edtjeh aaj maehdedh guarkedh dej daajrehtimmieh, vuajnoeh jih tjirkes vuajnoeh maehdiedh ovellies jallh baajhtode arrodh. Laejhtehks refleksjovne maahtoen kreava, men seamma aejkien sijjiem vada ovvihtiesvoetese jih ij daejrieh guktie sjæda. Lierehtimmie tjuaara dan gaavhtan balaanssem ohtsedidh respektem etableereme daajroen jih goerehtimmien jih kreatijven ussjedimmien gaskem mejtie kreava jis orre daajroem evtiedidh.

Etihkeles vuajnoe lea ovmesseie aajkoeh sinsitnien vooeste viekesjidh jih daerpies jis reflekteereme jih deadteles almetje arrodh. Lierehtimmie edtja learohki maehdelesvoetem evtiedidh dah etihkeles varjasjimmieh darjodh jih dah etihkeles daeriesmoerh demtieh.

Laejhtehks ussjedimmie jih etihkeles vuajnoe tsiehkied lieremen avtete jih bielie dejstie lieriedh gellie ovmesseie tsiehkine, jih viehkehte learohkh hijven doepmemefaamoem evtiedieh. Praktihkeles barkoedarjome jih tjiehpiesvoeten barkoe krievidh maehdelesvoetem reflekteradidh jih varjasjidh.

### **1.4 Skaepiedimmievoeteaavoe, eadtjohkevoete jih goerehtimmievaeljoe**

*Skuvle edtja learoehkidie baajedh skaepiedimmievoeteaavoem, eadtjohkevoetem jih goerehtimmievaeljoem evtiedidh jih baajedh dejtie daajrehtimmieh aadtjodh jih nuepieh vuejnedh jih assjelh darjoemasse darjodh.*

Maanah jih noerh leah tjetskehke jih sijhtiedh goerehtidh jih skaepiedidh. Lierehtimmiesne learohkh edtjeh gellie nuepieh aadtjodh eadtjohkevoetem jih goerehtimmievaeljoem evtiedidh. Maehdelesvoete gihtjedh, goerehtidh jih voejhkelidh lea vihkeles giengelelierehtæmman. Skuvle edtja respekteradidh jih eadtjaldehtedh ovmesseie vuekieh goerehtidh jih skaepiedidh. Learohkh edtjeh lieredh jih evtiedidh damtijimmien jih



ussjedimmien tjïrrh, estetihkeles smaarehhammoejgumie jih praktikheles darjomigujmie. Nööremes maanide skuvlesne lea stääkedidh daerpies jis dah edtjeh murriedidh jih evtiedidh, men aaj lierehtimmesne elliesvoetine stääkedidh nuepieh vedtedh kreatijveles jih vihkeles lieremasse.

Kreatijveles jih skaepiedihks maehtelesvoeth viehkehte siebriedahkem buaranidh. Laavenjostome skreejrie orreussjedæmman jih entreprenöörevoete, guktie orre ässjelh darjoemidie sjidtieh. Learohkh giëh lierieh skaepiedihks dorjesi bijre jih dan tjïrrh, maehtelesvoetem evtiedieh ovmesse vuekine buektieh, jih dâeriesmoerh luetieh jih orre gyhtjelassh gihtjieh.

Tjeahpoen jih kultuvren sisnie gellie skaepiedihks jih kreatijve faagesuerkieh, mah tsevtsieh dovne mijjen fysihken dajvide jih siebriedahkeevtiedimmiem. Mijjen estetihkeles vuerie evtede gosse ovmesse kulturelle maehtelesvoetide råaka, jih dah viehkiehtieh orre perspektijvide lutnjedh. Tjeahpoe- jih kultuvremaehtelesvoete lea aaj vihkeles fiere guhten persovneles evtiedimmesne. Kulturellen dâäjrehtimmieh jïjtjaarvoem utnieh, jih learohkh edtjeh joekehts speakterem kultuvremaehtelesvoetijste dâäjrehtidh sov skuvletïjjen mietie.

Stuerebe perspektijvesne lea skaepiedihks lieremeprosessh aaj tsiehkïe learohki skearkagimmiem jih identiteeteevtiedimmiem. Skuvle edtja aarvoeh biëjedh jih learohki daajroevæljoem jih skaepiedimmiefaamoem skreejredh, jih learohkh edtjeh dej skaepiedihks faamoem nuhtjedh abpe maadthöhpehtimmien tjïrrh.

## **1.5 Eatnemem krööhkestidh jih byjresegoerkesevoete**

*Skuvle edtja viehkiehtidh learohkh eatnemeaavoem, respektem eatnemen ävteste jih klimja- jih byjresegoerkese evtiedidh.*

Almetje bielie eatnamistie jih dïedtem åtna daam eensilaakan gorredidh. Lierehtimmien tjïrrh learohkh edtjeh maahtoem åadtjodh eatnemen bijre jih respektem eatnamasse evtiedidh. dah edtjeh åadtjodh eatnemem dâäjrehtidh jih daam vuejnedh goh gaaltije nuhtjeme, aavoe, healsoe jih liereme. Learohkh edtjeh goerkese evtiedidh guktie almetjen jieledevuekiem eatnemem jih klimmam tsavtsa, jih dan mietie aaj mijjen siebriedahkide. Skuvle edtja viehkiehtidh learohkh væljoem evtiedih byjresem vaarjelidh.

Maanah jih noerh edtjeh daenbiejjien jih jirreden haestemh giëtedidh, jih mijjen ektie bæetje biejjide jeerehte bæetje boelvh eatnemem vaarjelidh. Globaale klimjajeatjahtemh, deerjeme jih biologijen gellievoetem dasseme Leah gaskem jeatjebh dah stööremes byjreseajhtoem veartanisnie. Dah haestemh tjoerebe ektesne loetedh. Mijjïeh maahtoe, etihkeles vuajnoem jih teknologeles innovasjovnem daarpesjibie jis maehtebe daejtie loetedh jih daerpies jeatjahtemidie darjodh mijjen jieledevuekine jih jielemh eatnamisnie vaarjelidh.

## **1.6 Demokratije jih meatanårrome**

*Skuvle edtja learoehkidie nuepiem vedtedh meatan årrodh jih lieredh mij demokratije lea praksisisnie.*

Lierehtimmie edtja skreejredh demokratijen aarvoeh jih demokratije goh stuvremehammoe. Dïhte edtja learoehkidie goerkese evtiedidh demokratijen spielenjoelkedasside jih man

gaavhtan edtjede dejtie jáerhkedh nuhtjedh. Meatan siebriedahkesne árrodh lea maadtoen demokratijen aarvoeh respekteradidh jñh vaarjelidh goh sinsitnien respekte, toleraanse, fiere guhten jaahkoe- jñh soptsestimmiefriijevoete jñh friije veeljemh. Demokratijen aarvoeh tjuerieh eadtjohke meatanárröeminie skreejredh ellies lierehtimmesne.

Skuvle edtja demokratijen aarvoeh jñh vuajnoeh skreejredh vaanesovmi jñh sierredimmien vööste. Skuvle edtja aaj respektem skaepiedidh almetjh leah ovmessielaakan, jñh learohkh edtjeh lieredh gárröedimmieh loetedh raeffies vuekine.

Demokrateles siebriedahke tseegkie abpe áálmege seamma reaktah jñh nuepieh átna meatan árrodh jñh sjæjsjalidh. Unnebeláhkoem vaarjelidh lea vihkeles prinsihpe demokrateles reaktastaatesne jñh demokrateles siebriedahkesne. Demokrateles siebriedahke aaj aalkoealmetjh jñh unnebeláhkoeh vaarjelidh. Aalkoealmetjeperspektijve lea bielic learohki demokratijelierehtimmeste. Gaajhkh skuvleektievoetesne tjuerieh goerkesem evtiedidh dovne unnebeláhkoe- jñh stuerebeláhkoeperspektijvi bijre jñh sijjiem skaepiedidh laavenjostedh, soptsestalledh jñh digkiedidh. Barkoe gellievoetem skreejredh akte bielesne jñh nubpiebealesne fiere guhte inkluderadidh kreava voerkes aarvoevuajnoem jñh profesjonelle goerkesinie gietedidh.

Skuvle edtja sijjiem árrodh gusnie maanah jñh noerh dáájrehtieh demokratijem praksisisnie, jñh dah maehtieh tsevtседh, jñh dah maehtieh tsevtседh aamhtesh mah dejtie dijpieh. Dah edtjeh dáájrehtidh jñh ovmessie hammoeh demokratijen meatanárrömem tjírrehtidh dovne aarkebiejjien barkosne faagigujmie jñh vuesiehtimmien gaavhtan learohkeraerien tjírreh jñh jeatjah raerieáárganine. Soptsestalleme lohkehtæjjan jñh learohken gaskem, skuvlen jñh hiejmen gaskem tjuara váarömem utnedh jñh sinsitnien respekteradidh. Gosse learohke gielem skuvlesne goltelidh, dellie dah dáájrehtidh guktie dah maehtieh jijtje voerkes veeljemem darjodh. Dagkeres dáájrehtimmieh aarvoem utnieh daelic jñh daesnie, jñh learohkidie ryöjredidh diedtele siebriedahkeárröejidie sjidtedh.

## 2. Lieremen, evtiedimmien jñh skearkagimmien prinsihph

Skuvle dovne skearkagimmiestillemem jñh ööhpehtimmiestillemem átna. Dah ektiedieh jñh sinsitnide jearohks. Barkoen prinsihph liereminie, evtiedimmine jñh skearkagimmine edtjeh skuvlide viehkiehtidh daam guektiengierts stillemem loetedh.

Maadthööhpehtimmie vihkeles bielie jieledeguhkiem skearkagimmieprosesseste mij ulmiem átna jñh ulmie lea fiere guhte almetjen fríjjevoete, jñjtjeraarehke, diedtevoete jñh goerkesem mubpide almetjidie. Lierehtimmie edtja learohkídie vedtedh hijven váaromem jñjtsem, mubpieh jñh veartenem guarkedh, jñh hijven veeljemh darjodh jieliedisnie. Lierehtimmie edtja hijven váarome vedtedh meatan árrodh gaajhkine dajvine ööhpehtimmesne, barkoe- jñh siebriedahkejieliedisnie. Seamma aejkien maanah jñh noerh daelie jñh daesnie jielieh, jñh skuvle tjuara maanabaelien jñh noerebaelien jñjtjaarvoem jááhkesjidh.

Lierehtimmie edtja abpe almetjem skearkagidh jñh fiere guhtese nuepiem vedtedh sov maehtelesvoetem evtiedidh. Skearkagimmie sjædta gosse learohkh maahtoem jñh daajroem áadtjoeh eatnemen jñh byjresen bíjre, gïeli jñh histovrijen bíjre, siebriedahken jñh barkoejieledeh bíjre, tjeahpoen jñh kultuvren, jñh religijovnen jñh jieledevuajnoen bíjre. Skearkagimmie aaj sjædta dáájrehtimmien tjírrh jñh praktikheles haestemi tjírrh lierehtimmesne jñh skuvleaarkebiejjesne. Gellie ovmesse darjomh, öörnedihks jñh ulmiejakseme barkoste stáákedæmman, learohkídie dáájrehtimmieræjhkoesvoetem, svihtjemeaavoem jñh haalvemem vedtieh. Skearkagimmie sjædta gosse dah oktegh berkíeh jñh gosse dah laavenjostoech. Dah skearkagíeh gosse dah áadtjoeh teoretihken haestiemídie ussjedidh formelligujmie jñh faagematerijaaligujmie viehkine, jñh gosse dah dírrergh nuhtjeh dej barkosne. Skearkagimmie sjædta gosse learohkh lieríeh guktie reaktoe vaestiedassem gaavnedh, men aaj gosse dah guarcoeh íj íktesth aelhkies reaktoe vaestiedassem gáávnesch.

### 2.1 Sosijaale liereme jñh evtiedimmie

*Skuvle edtja learohki sosijaale lieremem jñh evtiedimmiem dáarjodh jñh viehkiehtidh barkoen tjírrh faagigujmie jñh skuvleaarkebiejjesne.*

Learohken identiteete jñh jñjtjeguvvie, míelh jñh vuajnoeh mubpiejgujmie sjídtieh. Sosijaale liereme sjædta dovne lierehtimmesne jñh gaajhkh darjoeminie mah skuvle öörnie. Íj maehtieh faageles liereme juekíeh sosijaale lieremístie. Fíerhten biejjien barkosne dan gaavhtan learohken faageles jñh sosijaale liereme jñh evtiedimmie aktaníeh.

Maehthedh víenhtedh maam mubpieh ussjedíeh, demtieh jñh dáájroeh, empatíjen jñh víenevoeten váarome learohkh gaskemsh. Dialogue lea sosijaale lieremen jarngesne, jñh skuvle edtja aarvoem jñh vihkelesvoetem goltelamme dialogíne buektedh guktie vuastalimmiem gíetedidh. Gosse learohkídie gaavnesjích lohkehtæjjah edtjích govlesadtemem jñh laavenjostoem madtjeldehtedh guktie learohkh mavvas sjídtieh jñh dah jearsoesvoetem áadtjoeh míeledh jñh mubpiej gaavhtan vuastalidh. Líeredh mubpide goltelidh jñh seamma aejkien jñjtje vuajnoeh buektedh learohkídie vadta váaromem tsælloeh jñh ovsíemesvoetem gíetedidh, jñh loetemh ektesne ohtsedidh. Gaajhkh edtjích líeredh laavenjostedh, mubpiejgujmie barkedh jñh maehtelesvoetem evtiedidh meatan árrodh guktie hijven ektíevoetem jñh byjresem sjídtieh. Guktie fiere guhte learohke lea meatan ektíevoetese skuvlesne, dellie ektíevoete meatan fiere guhte murrede, evtede jñh leara.

Hijven dööpmemefaamoe fiere guhtesne lea daerpies jis persovnevaarjelimmiem jih respekte privaatejieliedisnie vaarjelidh. Jiehtegh mah respektheits jih hatsven eah edtjh skuvlesne jááhkesjidh. Learohkh tjuerieh haarjanidh eensilaakan dáemiedidh jih voerkesem evtiedidh dej jijtse vuajnoej bijre. Ovmessie govlesadtemehammoeh jih teknologijenáhtoe dovne hijven jih báajhtode sosijaale byjresisnie. Learohkh tjuerieh lieredh deadteles dáemiedidh gaajhkene tsiehkine dovne skuvlen sisnie jih álkolen.

## 2.2 Maahtoe faagine

*Skuvle edtja lierehtimmiem faagine vuejnedh dah aarvojde jih prinsihpide mah ellies lierehtimmie tseegkeme.*

Faageles liereme lea vihkeles bielic dovne skearkagimmie- jih ööhpehtimmiestillemistie maadthööhpehtimmesne. Faagi learoeseojkesjh sisvegem buerkiestieh ovmessie faagine jih maahtoen jiehtiegasse tseegkeme:

*Maahtoe lea maehtedh maahtoem jih tjiiehpiesvoetem vejtiestidh jih nuhtjedh haestemh haalvedh jih laavenjassh loetedh damtoes jih ovdamtoes ektievoetine jih tsiehkine.  
Maahtoe lea goerkese jih maehtesvoete refleksjovnese jih laejhtehks ussjedæmman.*

Maahtoejiehtegen goerkese tjuara betnesne skuvlen barkose learoeseojkesjigujmie jih vuarjasjimmiejgujmie learohki faageles maahtojste. Faagi maahtoeulmieh tjuerieh ektesne vuejnedh sinsitniem faagine jih faagi dáaresth. Maahtoeulmieh tjuerieh aaj guarkedh ássjeleparagraafen jih dej jeatjah bielic mietie learoeseojkesjevierhkesne.

Maahtoe lea faaktam, diejvesh, teorijh, ássjelh jih ektievoeth damedh ovmessie faagesuerkine jih teemine. Tjiiehpiesvoeth lea maehtedh darjomh jallh prosedyjrh gietedidh gosse laavenjassh darjodh jallh dáeriesmoerh loetedh, mah gaskem jeatjebh motorihken, praktikken, kognitijven, sosijaale, kreatijve jih gieledh tjiiehpiesvoeth. Maahtodiejvesne aaj goerkese jih maehtesvoete ussjedidh jih laejhtehks ussjedimmie faagine, mij lea vihkeles jis teoretihken ussjedimmiem guarkedh jih maam akt praktikheles darjodh. Refleksjovne jih laejhtehks ussjedimmie gaaredamme vuajnojde jih etihken vuarjasjimmie maehtesvoetem evtiedidh.

Skuvle edtja giengeleslieremasse sijjiem vedtedh guktie learohkh goerkesem evtiedieh jarnges elemeentide jih ektievoetide faagesne, jih guktie dah lierieh faageles maahtoem jih tjiiehpiesvoetem nuhtjedh damtoes jih ammes ektievoetine. Barkosne faagine learohkh edtjeh laavenjassh dáastoehtidh jih joekehts darjoeminie meatan árhoeh gusnie kompleksiteetem jeanene. Giengeleliereme faagine lea maahtojde jih tjiiehpiesvoetide ovmessie vuekine, guktie learohkh tjiien mietie maehtieh ovmessie faageles haestiemidie haalvedh oktegh jih mubpiejgujmie.

Lohkehtæjjah jih ávtehh skuvlesne tjuerieh jaabnan ussjedidh ektievoeten bijre lierehtimmie faagesne jih bijjemes ulmieh, aarvoeh jih lierehtimmien prinsihph gaskem.

## 2.3 Vihkeles tjiiehpiesvoeth

*Skuvle edtja learohki evtiedimmiem sjiehteladtedh jih dáarjodh dejstie vijhte vihkeles tjiiehpiesvoeth abpe ööhpehtimmesne.*

Learoesojkesjevierhke vjijhte vihkeles tjiehpiesvoeth tjielkeste: lohkeme, tjaeleme, ryökne, njaalmeldh tjiehpiesvoeth jñh digitaale tjiehpiesvoeth. Dah tjiehpiesvoeth lea bielle faageles maahtojste jñh daerpies dñrregh lieremasse jñh faageles goerkesasse. Dah aaj vihkeles learohken identiteete evtiedimmie jñh sosijaale relasjovnide, jñh guktie maahta meatan årroth ööhpehtimmesne, barkosne jñh siebriedahkejielemisnie.

Dej vihkeles tjiehpiesvoeti evtiedimmie vihkeles abpe ööhpehtimmien mietie. Sieve lea vuesiehtimmien gaavhtan voestes lohkeme- jñh tjaelemelierehtimmeste lierehtæmman maehtieh gierve faageles teekstide lohkedh.

Lierehtimmesne tjuerieh dah vihkeles tjiehpiesvoeth dovne sinsitnien ektesne vovejnedh jñh faagi dåaresth. Dah vihkeles tjiehpiesvoeth gaajhkine faagine, men dah faagh ovmessie raállah utnieh evtiedimmesne dejstie ovmessie tjiehpiesvoetijste. Naaken faage sæjhta stuerebe diëdtem utnedh enn dah jeatjah. Faageles maahtoen evtiedimmie edtja dan gaavhtan evtiedimmien ektesne vihkeles tjiehpiesvoetide faagesne guktie faagi learoesojkesjisnie buerkiestamme. Lohkehtæjjah gaajhkine faagine edtjeh learohkidie daårjodh barkosne dej vihkeles tjiehpiesvoetigujmie.

## 2.4 Lierehd lierehd

*Skuvle edtja viehkiehtidh learohkh dej jñjtse lieremen bijre ussjedidh, dej jñjtse lieremeprosssh guarkedh jñh maahtoen åadtjodh jñjtjeraarehken vuekine.*

Gosse learohkh dej jñjtje lieremeprossside jñh dej faageles evtiedimmiem guarkoeh, destie jñjtjeraarehkem jñh haalvemedomtesem sjidtieh. Lierehtimmie edtja learohki motivasjovnem, vuajnoeh jñh lieremestrategijh skreejredh, jñh vaaromem biejedh liereme jieleden mietie. Daate kreava lohkehtæjjah learohki evtiedimmiem lihke giehtjedieh jñh dejtie daårjoeh sjiehteledtieh aalteren, njoetseme- jñh funksjovnedaltesen mietie.

Gosse jñjtse jñh mubpiej lieremem ussjedieh learohkh maehtieh ånnetji ånnetji voerkesvoetem evtiedidh jñjtse lieremeprosssigujmie. Learohkh gieh lierieh gihtjedh, vaestiedassem ohtsedidh jñh dej goerkesem buektedh ovmessie vuekine, sijhtieh dan mietie maehdedh eadtjohke raállam vaelledh dej jñjtje lieremisnie jñh evtiedimmesne. Barkoen tjirrh faageles haestiemidie learohkh sijhtieh maahtoen åadtjodh guktie dah lierieh jñh faagesne evtiedieh. Giengele maahtoen evtiedieh gosse learohkh åadtjoeh ektievoetide vovejnedh ovmessie maahtoesuerkiej gaskem, jñh gosse maehtieh gellie strategijh guktie maahtoen åadtjodh, juekedh jñh laejhtehks årroth.

Læjhkan learohki jñjtjebarkoen åvteste jñh lieremestrategijide utnieh sæjhta naaken haestemh åadtjodh lierehd. Sjiekh daamhtaj gellie jñh ektiebeajeme. Ambisjovne maehtelesvoetem evtiedidh jieledeguhkiem lieremasse gaajhkene learohkinie kreava gamte geatskanimmiem skuvleste.

## 2.5 Dåaresthfaageles teemah

*Skuvle edtja lieremem sjiehteladtedh dej golme dåaresthfaageles teemine almetjehealsole jñh jieledemaalveme, demokratije jñh meatanårrojevoete, jñh monnehke evtiedimmie.*

Dah golme dåaresthfaageles teemah learoesojkesjevierhkesne aalka sjyöhtehke siebriedahkehaestiemie mah eadtjohkevoetem jñh barkoem kreava fiere guhte almetjistie jñh

ektievoeteste voengesiebriedahkesne, nasjonaale jñh globaale. Learohkh maahtoem evtiedieh gaaredamme dejtie dääresthfaageles teemide barkoen tjñrrh dääriesmoerigujmie ovmessie faagijste. Learohkh edtjeh haestemh jñh dilemmah vuejnedh teemine. Dah edtjeh guarkedh guktie mijjieh maahtoem jñh laavenjostoen tjñrrh maehete vaestiedassh gaavnedh, jñh dah edtjeh lieredh ektievoeti bñjre darjoemistie jñh konsekvenside.

Maahtoevåarome dääriesmoeri vaestiedassh gaavnedh teemaj sisnie gellie faagine gååvnese, jñh teemah edtjeh meatan årrodh guktie learohkh goerkesem jeksieh jñh ektievoetem vuejniel faagi dääresth. Ulmieh mah learohkh edtjeh lieredh teemaj sisnie, maahtooulmine vuesiehtieh faagide gusnie relevaante.

### 2.5.1 Almetjehealsoe jñh jieledehaalveme

Almetjehealsoe jñh jieledehaalveme goh dääresthfaageles teema skuvlesne edtja learoehkidie maahtoem vedtedh mij hijven psykiske jñh fysiske healsoem skreejredh, jñh mij nuepieh vada dñedteles jieledeveeljemem darjodh. Maanaj- jñh noerejaepine lea evtiedimmie positijven jñjtjeguviem jñh jearsoes identiteetem sjñere vihkeles.

Siebriedahke mij sjñehteladta fiere guhten hijven healsoeveeljemidie, lea vihkeles åålmehhealsosne. Jieledehaalveme lea maehetedh guarkedh jñh faktorh tsevtседh mah vihkeles gosse jñjtje jielede edtja haalvedh. Teema edtja meatan guktie learohkh lieriel mietiemoerem jñh trñegkenassem gñetedidh, jñh persovneles jñh praktihkeles haestemh bööremes vuekine.

Sjyöhtehke suerkieh teeman sisnie lea fysiske jñh psykiske healsoe, jieledevaanoeh, seksualiteete jñh tjoele, ruevsiedaalhkesh, meedijeåtnoe, jñh åtnoe jñh persovneles ekonomije. Vierhtieveeljemh jñh mij jiehtege jielede mñele sæjhta jiehtedh, gaskealmetjen relasjovnh, maahta raasth biejedh jñh mubpiej raasth krööhkestidh, jñh maahta åssjelh, domtesh jñh relasjovnh gñetedidh Leah aaj daennie teemesne.

### 2.5.2 Demokratije jñh meatanårrojevoete

Demokratije jñh meatanårrojevoete goh dääresthfaageles teema edtja learoehkidie maahtoem vedtedh demokratjen tsiehkiej, vierhtiej jñh spñelenjoelkedassi bñjre, jñh dejtie ryöjredidh demokratihkeles prosessine meatan årrodh. Lierehtimmie edtja learoehkidie goerkesem vedtedh ektievoetem demokratjen jñh jarnges almetjereaktaj gaskem goh soptsestimiereakta, steemmemereakta jñh organisasjovnefrñjjevoete. Dah edtjeh vuejnedh demokratije ovmessie hammoeh jñh vuesiehtimmieh åtna.

Barkoen tjñrrh teemine demokratije jñh meatanårrojevoete edtja learohkh ektievoetem guarkedh indivijden reaktaj jñh dñedten gaskem. Indivijdh reaktam utnieh meatan årrodh politihken barkosne seamma aejkien goh siebriedahke jearohks årrojñh dej reaktide utnedh meatan årrodh politihkesne jñh sivijle siebriedahkem hammoedidh. Skuvle edtja learoehkidie skreejredh eadtjohke årrojiedie sjñdtedh, jñh dejtie maahtoem vedtedh meatan årrodh jñh demokratijem Nöörjesne evtiedidh.

Lierehtimmie edtja learoehkidie maahtoem jñh maehetesvoetem vedtedh haestemh däästoehdidh demokratjen prinsihpi mietie. Dah edtjeh dääriesmoerh guarkedh mah Leah jååhkesjidh dovne gellielåhkoen reakta jñh unnebelåhkoen reaktah. Dah edtjeh haarjanidh dej maehetesvoetem laejhtehks ussjedidh, lieredh tsæelloeh jñh digkiedimmieh gñetedidh jñh krööhkestidh jis ovsñemes. Barkoen tjñrrh teemine edtjeh learohkh lieredh man gaavhtan tjoerebe demokratijem vaarjelidh, jñh daam tjoerebe evtiedidh jñh geehtedh.

### 2.5.3 Monnehke evtiedimmie

Monnehke evtiedimmie goh dāaresthfaageles teema skuvlesne edtja sjehteladtedh learohkh maehtieh guarkedh maadthdilemmah jīh evtiedimmieh siebriedahkesne, jīh guktie maahta dejtie gīetedidh. Monnehke evtiedimmie lea jieleddh eatnamisnie vaarjelidh jīh almetji daerpiesvoeth vaarjelidh gīeh daelie jielieminie, bieleden bāetije boelvi nuepieh eerjedh maam dah daarpesjieh. Monnehke evtiedimmie goerkesisnie tseegkeme ektievoetem sosijaalen, ekonomijen jīh byjresen tsiehkij gaskem. Almetjevoeten jieledvuekie jīh resurseātnoeh āadtjoeh konsekvensh voengesne, regionaalesne jīh globaale daltesinie.

Barkoen tjīrrh teemine edtjieh learohkh maahtoem evtiedidh mestie dah maehtieh dīedteles veeljemh vaeltedh jīh etihken jīh byjresevoerkesen mietie dahkedh. Learohkh edtjieh goerkesem āadtjodh dej darjomh jīh veeljemh Leah vihkeles. Teeman sisnie dāeriesmoerh byjresasse jīh kljmese tjatneme, giefiesvoeten bījre jīh guktie mijjieh vierhtide juekedh, tsælloeh, healsoe, seammavyörtegsvoete, demografije jīh ööhpehtimmie. Learohkh edtjieh lieredh ektievoetem dej ovmessie vuajnoej gaskem monnehke evtiedimmesne.

Teknologije almetjem, byjresem jīh siebriedahkem tsavtsa. Teknologijen maahtoe jīh maahtoe ektievoeten bījre teknologijen jīh dej sosijaale, ekonomes jīh byjresen bieliej gaskem monnehke nænnoestimmesne dan gaavhtan vihkeles daennie teemesne.

Teknologijeevtiedimmie maahta dāeriesmoerh loetedh, men aaj orre darjodh. Maahtoe teknologijen bījre lea guarkedh mah dāeriesmoerh maehtieh bāetedh teknologijeātnoste jīh guktie mijjieh maektebe daejgumie gīetedidh.

### 3. Prinsihph skuvlen riektesisnie

Skuvle edtja learoehkidie dâastoehtidh jearsoesvoetine, respektine jîh krïeveminie, jîh dah edtjeh haestemh âadtjodh mestie skearkagieh jîh learoelæstoem âadtjoeh. Guktie skuvle edtja dejnie lahkanidh skuvle tjuara hijven learoebyjresem tseegkedh jîh lierehtimmiem sjiehtedidh learohkigujmie jîh gâetiejgujmie ektesne. Daate kreava profesjovneektievoetem mij skuvlen evtiedimmiem skreejrehte.

#### 3.1 Feerhmeles lieremebyjrese

*Skuvle edtja feerhmeles byjresem evtiedidh mij healsoem, murriedimmiem jîh lieremem gaajhkide buakta.*

Akte raavsoeslaakan jîh dâarjoehtamme lieremebyjrese lea positijve kultuvren vâarome gusnie learoehkidie madtjeldedh jîh faageles jîh sosijaale evtiedæmman skreejredh. Jis learohkh ovjearsoes demtieh, dellie destie lieremem heerredidh. Tjïelke jîh hoksije geerve almetjîh jearsoes lieremebyjresh evtiedieh jîh tjâadtjoehtieh, learohkigujmie. Barkijh skuvlesne, eejhtegh jîh âelieh jîh learohkh ektesne diëdtem utnieh healsoem, murriedimmiem jîh lieremem buektieh, jîh irhkemem jîh mïedtelimmiem heerredieh. Barkosne feerhmeles jîh skreejreme lieremebyjresem evtiedidh edtja gellievoetem vierhtine jââhkesjidh.

Learohkelaavenjosteme tjuara skuvlen riektesisnie vuesiehtidh. Learohkh edtjeh dovne laavenjostedh jîh diëdtem vaeltedh lieremeektievoetesne mah dah lohkehtëjjaj ektesne fierhten biejjien skaepiedieh. Learohkh ussjedieh, dââjrehtieh jîh lierieh mubpiejgujmie lieremeprossi, govlesadtemen jîh ektiebarkoen tjïrrh. Skuvle edtja learoehkidie lieredh dïöpmemefaamoem vuesiehtidh gosse mubpiejgujmie soptsestidh, jîh hokse dah lierieh laavenjostedh sjiehteles vuekine ovmessie tsiehkine.

Dah normh jîh aarvoeh mah lieremeektievoetesne vuesiehtieh, vihkeles learohki sosijaale evtiedimmesne. Viënevoete ektievoetem skaepede jîh mijjiem gaajhkem unnebe præâsehke sjïdtieh. Gosse mijjïeh dââjrehtïbie naaken mijjem jââhkesje jîh laejhtede, dellie lierebe mijjïeh aarvoem utnebe jîh mubpieh aaj aarvoem utnieh. Learohkh edtjeh lieredh joekehts krïöhkestidh jîh guarkoeh gaajhkh sijjiem utnieh ektievoetesne. Fïerhte learohke histovrijem meatan âtna, jîh dah Leah hâhkoem jîh âssjelh bâetije biejjïej bijre. Gosse maanah jîh noerh respektem jîh jââhkesjimmiem byjjenimmesne râekieh, dellie demtieh dah Leah ektievoetesne.

Skuvle maahta learoehkidie praktikheles jîh jïelemelïhke dââjrehtimmïeh vedtedh gosse ovmessie lieremearenah nuhtjie mah motivasjovnem jîh vuajnoem âvtese buakta.

Voengesbyjresen jîh siebriedahken skreejreme maahta positijveles vuekien meatan skuvlen jîh learohki evtiedæmman. Ovmessie hammoeh voenges, nasjonaale jîh internasjonaaale laavenjostoeh learohki lieremem tjatneme byögkeles gyhtjelasside. Maahtoevtiedimmïe almetjigujmie gaajhkene aalterinie jîh ovmessie sijjeste veartanisnie learoehkidie perspektijvh vedtieh dej jïjtse liereme, skearkagimmïe jîh identiteete jîh aarvoem vuesehte laavenjostedh gieieldh, politihken jîh kulturellen rastaj dâaresth.



### 3.2 Ööhpehtimmie jìh sjiehtedamme lierehtimmie

*Skuvle edtja lieremem sjiehteladtedh gaajhkh learoehkidie jìh skreejredh fiere guhten motivasjovnem, lieremelæstoem jìh jaahkoem jìjtse haalvamasse .*

Learohki liereme jìh evtiedimmie edtjeh jarngesne årrodh skuvlen dorjesisnie. Learohkh skuvlese bætieh ovmessie dååjrehtimmie, åvtemaahojne, vuajnojne jìh daerpiesvoetine. Skuvle tjuara gaajhkh learoehkidie seammavyörtegs nuepieh vedtedh lieremasse jìh evtiedæmman, seamma dej tsiehkij mietie. Hijven klaassestuvreme tseegkie daajroen nille learohki daerpiesvoetese, baahke relasjovnine jìh profesjonelle dööpmemefaamojne. Guktie skreejremem jìh learoeaavoem skaepede lierehtimmesne gamte repertoaarem learoedarjoemistie- jìh vierhtijste daarpesje åvtelhmieredamme mierine.

Skuvlen vuartoeh fiere guhte learoehkasse barkoen jìh haalvemen bÿjre lieremem tsevtsieh jìh sov jaahkoem jìjtse maehtelesvoete jìh nuepieh. Dìhte dan gaavhtan vihkeles skuvle gaajhkh learohkh dåastohte dåajvoe, mohte realistihke vuartoejgumie, jìh lohkehtæjjah vuesiehtieh profesjonelle goerkesinie gosse dah learohki lieremem vuarjasjeh.

Learohkh edtjeh tìjjem åadtjodh giengelem goerehtidh ovmessie faagesuerkine. Sijjiem vedtedh giengelieferemasse krievetidh skuvle krööhkeste learohkh Leah jeerehte jìh ovmessie tempoem lierieh jìh ovmessie progresjovnine. Kreava maahtoem guktie learohkh lierieh, mah dah daajrah jìh krieveme lihke fiere guhtem vaaksjoestieh. Learohkh gièh haalvemem dååjroeh, dejtie skreejrehte jienebh gaarsjehke jìh jìjtjeraarehkem sjiddieh. Voejhkelimmieh jìh miedtemh maehchie gaaltijem årrodh lieremasse jìh jååhkesjæmman, jìh learohkh skreejrie voejhkelidh aaj gåessie vienhtieh eah daejrieh jis daam maehdedh. Dìhte lea skuvlen laavenjasse learoehkidie jearsoesvoetem vedtedh raasth restiedidh jìh voejhkelidh maam akt darjodh mij gièrve.

Vuarjasjimmie learohki faageles maahtojste edtja guvviem vedtedh maam learohkh maehchie, men vihkeles ulmie vuarjasjimmie lea aaj lieremem jìh evtiedimmiem skreejredh. Goerehtalleme jìh vuartasjimmie learoehkijstie lea viehkiedirregh guktie fiere guhtem dåeriedidh jìh skuvlen praksisem evtiedidh. Dan onne vierhtie jis ij daam dåeriedidh kontruktijveles råajarimmiejgumie. Skuvle jìh lohkehtæjjah tjuerieh daerpiesvoetem buerie bievnesh learohken lieremen bÿjre jìh ovvaajteles konsekvenside ovmessie vuarjasjimmietsiehkijste. Ovvaajteles åtnoe vuarjasjimmeste maahta learohken jìjtjevuaajnoem måakoedidh jìh hijven learoebyjresen evtiedimmiem heerredidh.

Sjiehtedamme liereme lea sjiehtedimmie maam skuvle dorje dan gaavhtan edtja vihtiestidh gaajhkh learohkh åadtjoeh bööremes nåhtoem lierehtimmeste. Skuvle maahta gaskem jeatjebh lierehtimmiem sjiehtedidh barkoevuekiejgumie jìh pedagogeles vuekiejgumie, learoevierhtiej nåhtoej tjìrrh, öörnemen mietie, jìh barkosne learoebyjresinie, learoesoejkesjinie jìh vuarjasjimmie. Lohkehtæjjah tjuerieh hijven faageles aarvoej mietie barkedh lierehtimmiem sjiehtedidh.

Hijven vuarjasjimmie, gusnie vuartoeh Leah tjielkes jìh learohke lea meatan jìh govlelge learobarkoen mietie, dìhte lea vihkeles lierehtimmiem sjiehtedidh. Lohkehtæjjah edtjeh dej lierehtimmie learoehkidie daarjoehtidh jìh bikhedidh guktie learohkh maehchie ulmieh tseegkedh, sjiehteles haalvemevuekieh veeljedh jìh dej jìjtse evtiedimmiem vuarjasjidh. Skuvle tjuara soejkesjidh hijven ektievoetem learohken liereminie dejnie ovmessie faagine jìh guktie lierehtimmiem dååjroe goh sjiehteles jìh nuekies haestemh sjædta.

Sjiehtedamme lierehtimmie gaajhkh learohkh dæjpa, jñh edtja jeenjemes jeerehtsinie jñh sjiehtedimmie sjjðtedh gellievoetese learohkedæhkesne ektievoeten sisnie. Learohkh gñeh daarpesjeh sjiehtedimmiem jñjnjebe sñejhme faalenasse, maahta sjñere ööhpeptimmiem krieveth. Learohkh maehtieh tjabredidh, jñh maahta ovmesseie dæriesmoerh sjjðtedh ellies lierehtimmesne. Lohkehtæjjah maehtieh hijven dæarjoem åadtjodh mubpie barkoedæhkijste gosse ovmesseie haestemh vñejnedh jñh learohkide viehkiem vedtedh maam daarpesjeh. Dñhte maahta vihkeles learohken evtiedimmesne råajvarimmieh buakta dan varki goh gæarede gosse haestemem aajhtsedh.

### 3.3 Gætie jñh skuvle laavenjostoe

*Lierehtimmie edtja årrodh laavenjostosne jñh goerkesinie hñejmine, jñh laavenjostoe edtja learohken lieremem jñh evtiedimmiem skreejredh.*

Hijven govlesadtme hñejmen jñh skuvlen gaskem positjve skuvlen barkosne learoebjresinie jñh learohke byjjenimmiebjresisnie. Eejhtegh jñh ælieh æejviediedtem utnieh maanan eelemen jñh evtiedimmien åvteste. Dah Leah maanaj jñh noeri vihkielommes hoksijh jñh maahtoem utnieh mejtie skuvle maahta utnedh gosse learohken skearkagimmiem, lieremem jñh evtiedimmiem dæarjoehtidh. Skuvle bijjemes dñedtem åtna laavenjostoem skreejredh jñh sjiehteladtedh. Daate sæjhta jiehtedh hoksedh guktie eejhtegh jñh ælieh åadtjoe hñevnesh mah daarpesjeh, jñh dah nuepiem åadtjoe dej maanaj skuvleaarkebiejjiem maehtieh tsevtsedh.

Hñejmen vuajnoe skuvlese vihkeles learohki eadtjohkevoetesne jñh skuvlebarkosne. Eejhtegh jñh ælieh skuvlem dæastoehieh ovmesseie daerpiesvoetine, vuartojne jñh mieline skuvlen ulmiej jñh praksisen bñjre. Destie maahta vigkiem sjjðtedh mij maahta gñerve skuvlesne gñetedidh. Skuvle tjuara tjñelkelaakan vuesiehtidh maam dñhte edtja darjodh jñh maam maahta faaledh, jñh maam skuvle hñejmeste vuertedh. Hijven jñh jearsoes dialogue gæabpatjahken dñedte. Skuvle tjuara læjhkan krööhkestidh eah gaajhkh learohkh seamma nuepiem utnieh viehkiem jñh dæarjoem hñejmesne åadtjodh.

### 3.4 Lierehtimmie learoesieltene jñh barkoejielemisnie

*Lierehtimmie learoesieltene jñh barkoejielemisnie edtja praktikheles dæåjrehtimmieh vedtedh, jñh faageles krievemh jñh vuartoe h ryjredidh mah bætieh barkoejielemisnie.*

Lierehtimmie learoesieltene lea bielie lierehtimmeste lierehtæjjide, learoekandidaate jñh praksisprieviekandidaate. Lissine sijhtieh gellie learohkh maadhööhpeptimmien mietie bielie lierehtimmeste åadtjoe barkoejielemisnie. Faage- jñh barkoelierehtimmie edtja væjkeles, maeheteje, kreatjve jñh orreskaepiedihks faagebarkijh skearkagidh jñh ööhpeptidh. Barkoejieleme lea gelliesåarhts jñh vyörtegs dæåjrehtimmieh vada. Lierehtæjjah, learoekandidaath jñh praksisprieviekandidaath edtjieh dæåjrehtih jñh meatan årrodh learoesieltene jñh faagen aerpievuekesne, aarvojne jñh kultuvresne.

Learohkh, lierehtæjja, learoekandidaath jñh praksisprieviekandidaath barkoejielemem dæastoehieh ovmesseie learoetsiehkine jñh daerpiesvoetine. Hijven laavenjostoe skuvlen jñh barkoejielemen gaskem nuepieh jeanianeh gellede edtjieh eadtjohkelaakan dej jñjtje lierehtimmesne meatan årrodh jñh govlesovvemem barkoejielemisnie jñh siebriedahkesne

gaavnedh. Laavenjostoe skaepede aaj goerkesem sinsitnide jñh lierehtimmien ulmieh tsavtsa fiere guhtem ryöjrede bätije barkoejielemisnie.

### 3.5 Profesjonsektievoete jñh skuvleevtiedimmie

*Skuvle edtja profesjovnefaagedh ektievoete årrodh gusnie lohkehtæjjah, åvtehhk jñh jeatjah barkijh ektie aarvoej bijre ussjedidh, jñh dej barkoem varjasjidh jñh evtiedidh*

Skuvle goh siebriedahkeinstitusjovne åelede aarvojde jñh prinsihpide tseegkedh jñh nuhtjedh maadthööhpehtimmesne. Skuvleaajhterh, skuvleåvtehhk jñh lohkehtæjjah dej ovmessie ráállijste ektie diëdtem utnieh sjehteladtedh buerie evtiedimmien skuvlesne. Dah tjuerieh ektesne geehtedh skuvlen barkoe lea akteraeresne abpe learoesoekjesjevierhkine. Hijven jñh öörnedihks laavenjostome maanagierten jñh skuvlen gaskem, dah ovmessie daltesh lierehtimmesne jñh skuvlen jñh hiejmen gaskem viehkiehtieh aelkebe daltesistie daltesasse juhtedh.

Lohkehtæjja lea ráállamodeelle gie edtja jearsoesvoetem skaepiedidh, jñh learoehkidie viehkehte dej baalkan mietie lierehtimmien tjirrh. Lohkehtæjja vihkielommes lieremebyjresisnie mij skreejrie jñh viehkehte learohkh lierieh jñh evtiedieh. Daate kreava lohkehtæjja hoksem vuesehte fiere guhte learohkem. Daate aaj learoehkidie viehkehte gieh ovlahkoen veeljemem darjoeh, eah damth dah leah inkluderadamme, jallh hoskesieh dejnie maam edtjeh lieredh. Lohkehtæjja edtja barkedh learohkh åadtjoeh dåájredh dah sijjiem utnieh aktene positijve ektievoetesne jñh lohkehtæjja edtja aaj kultuvrem lierehtæmman evtiedidh jñh learoehkidie faageles jñh emosjonelle dårjoem vada.

Lohkehtæjjaprofesjovne sov profesjovnebarkoem tseegkie ektie aarvojne jñh ektie dotkemejñh dåájresevåaromen maahtoebatnan. Profesjovne jñh fiere guhte lohkehtæjja diëdtem utnieh goerkesem nuhtjeh komplekse gyhtjelassine. Lohkehtæjjah jñh åvtehhk faageles, pedagogeles, didakteles jñh faagedidakteles goerkesem dialogine jñh ektiebarkosne dej barkoeguejmine. Profesjonelle goerkese tjirrehte jñh evtede dovne individuellen vuekine jñh laavenjostosne. Faageles goerkese aaj tjuaara jaabnan orrestidh. Lohkehtæjjaprofesjovne tjuaara dan gaavhtan sov pedagogeles barkoem varjasjidh guktie fiere guhte learohkem jñh learohkedåehkide diervesjidh bööremes vuekine.

Eah gierve pedagogeles gyhtjelassh vihties vaestiedassh utnieh. Barkijh skuvlesne tjuerieh dan gaavhtan akseptanssem jñh sijjiem utnedh dej varjasjimmie-maehtesvoetem nuhtjeh dej barkosne. Lohkehtæjjah tjuerieh eensilaakan ussjedidh mij, guktie jñh man gaavhtan learohkh lierieh, jñh guktie dah bööremes vuekien maehtieh learohki lieremem, evtiedimmien jñh skearkagimmiem lijrehtidh jñh dårjoehtidh. Lohkehtæjjah gieh ektievoetesne ussjedieh jñh varjasjeh lierehtimmien soekjesjimmiem jñh tjirrehtimmien, buerebe guarkoem evtiedieh mij pedagogeles barkoe. Daate tjuaara darjodh dovne profesjovnen maahtoevåaroemistie jñh maadthööhpehtimmien aarvoevåaroemistie.

Dihthe profesjonelle laavenjostome skuvline tsihkestahta hijven stuvreme. Hijven skuvlestuvreme aaj tsihkestahta stuvremefaageles legitimiteete jñh hijven guarkoe pedagogeles jñh jeatjah haestemi åvteste mah lohkehtæjjah jñh jeatjah barkijh dåastoehieh. Hijven stuvreme prioriterede laavenjostoem jñh relasjovnh evtiedidh guktie jearsoesvoetem organisasjovnesne tseegkie. Skuvlen stuvreme edtja sjehteladtedh learohki jñh lohkehtæjjaj lieremem jñh evtiedimmien. Skuvlestuvreme edtja stuvredh pedagogeles jñh faageles laavenjostoem lohkehtæjjaj gaskem jñh meatan årrodh tjirkes jñh postitijveles byjressem

evtiedidh gusnie gaajhkh sijhtieh dej bööremes darjodh. Dïhte lea skuvlestuvremen laavenjasse numhtie stuvredh guktie gaajhkh åadtjoeh dej tjarki bielieh nuhtjieh, maehtieh jïh evtiedieh.

Hijven skuvleevtiedimmie sijjiem kreava gusnie maehtieh gïhtjedh jïh vaestiedassh ohtsedidh jïh profesjovneektievoete mij sæjhta daejredh guktie skuvlen barkoe meatan learohki evtiedæmman jïh lieremasse. Gaajhkh barkijh skuvlesne tjuerieh iedtjeles barkedh dejnie profesjonelle lieremeektievoetesne guktie skuvle evtiedieh. Daate sæjhta jiehtedh ektievoete ussjede aarvoeveeljemi jïh evtiedimmiedaerpiesvoeti biÿre, jïh dotkemem, maahtoem dååjrehtimmeste jïh etihken vuarjasjimmieh nuhtjie betnesne ulmieryöktesth råajvarimmide. Hijven evtiedamme struktuvrh laavenjostose, dåarjose jïh bihkedæmman barkiji gaskem jïh skuvli raasth juekeme- jïh lieremekultuvrem viehkehte.

Dïhte lea fierhten beajjetjen gaavnesjimmien tjïrrh learohki jïh lohkehtæjjaj gaskem skuvlen gamte åssjele realiseeresovveme. Lohkehtæjjah sijhtieh konkreeteles lierehtimmietsiehkine dååjrehtidh ovmessie rastah åssjeli jïh aarvoej gaskem. Dah tjuerieh eejnegen gierve veektemh darjodh krööhkestimmiem fiere guhte learohkasse jïh krööhkestimmiem ektievoetese, dåarjodh jallh krievredh, skuvleaarkebiejjien daesnie jïh daelie jïh barkoem bæetije biejjide ryöjredidh. Eah learohkh seammalaakan, jïh mij lea learohkasse bööremes, lea jarngegyhtjelasse gaajhkine lierehtimmine. Daate gyhtjelasse tjuerieh gaajhkem giëh skuvlesne berkieh fierhten biejjien viht vaestiedidh.